

Na osnovu čl. 4.2., 4.7. i 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", broj 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 16. Pravilnika o licencama – Prečišćeni tekst ("Službeni glasnik BiH", broj 63/16), rješavajući po zahtjevu pravnog lica "Wasserkraft" d.o.o., Banja Luka, od 7. marta 2024. godine, koji je dopunjen 26. marta 2024. godine, na sjednici Državne regulatorne komisije za električnu energiju, održanoj 22. maja 2024. godine, donijeta je

ODLUKA

O IZDAVANJU PRIVREMENE LICENCE ZA DJELATNOST MEĐUNARODNE TRGOVINE ELEKTRIČNOM ENERGIJOM

1. Pravnom licu "Wasserkraft" d.o.o., Banja Luka, izdaje se privremena licenca za obavljanje djelatnosti međunarodne trgovine električnom energijom.
2. Privremena licenca iz tačke 1. ove Odluke izdaje se za period od 23. maja 2024. godine do 22. maja 2026. godine i koristi se u skladu sa Standardnim uvjetima za korištenje licence za obavljanje djelatnosti međunarodne trgovine električnom energijom ("Službeni glasnik BiH", broj 14/16).
3. Privremena licenca za obavljanje djelatnosti međunarodne trgovine električnom energijom sastavni je dio ove Odluke.
4. Vlasnik privremene licence je u obavezi plaćati regulatornu naknadu u periodu važenja privremene licence, na način i u rokovima utvrđenim posebnim aktom.
5. Ova Odluka stupa na snagu danom donošenja, a njen dispozitiv bit će objavljen u "Službenom glasniku BiH" i službenim glasilima entiteta.

Obrazloženje

Pravno lice "Wasserkraft" d.o.o., Banja Luka (u daljnjem tekstu: podnosilac zahtjeva), podnijelo je Državnoj regulatornoj komisiji za električnu energiju (u daljnjem tekstu: DERK) zahtjev za izdavanje licence za obavljanje djelatnosti međunarodne trgovine električnom energijom, zaprimljen pod brojem 05-28-12-139-1/24 od 7. marta 2024. godine, koji je dopunjen 26. marta 2024. godine.

Shodno članu 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", broj 7/02, 13/03, 76/09 i 1/11) za aktivnost međunarodne trgovine električnom energijom potrebna je licenca DERK-a, a podnosilac zahtjeva dužan je zadovoljiti uvjete i kriterije za izdavanje licence koje svojim pravilima i propisima odredi DERK.

Zahtjev je podniet na propisanim obrascima, s dokazom o prethodno izvršenoj uplati naknade za rješavanje zahtjeva i relevantnim dokumentima, koji su, podnieti uz zahtjev ili naknadno, omogućili DERK-u da razumije, razmatra i odlučuje o podnietom zahtjevu, o čemu je obavijestio podnosioca zahtjeva svojim aktom broj 05-28-12-139-4/24 od 27. marta 2024. godine.

Po pregledu i provjeri svih formalnih elemenata zahtjeva, DERK je 2. aprila 2024. godine objavio u dnevnim novinama i na svojoj internet stranici kratku obavijest za javnost, sumirajući zahtjev za izdavanje licence i odredio rok do 10. aprila 2024. godine za dostavljanje komentara javnosti na podnieti zahtjev za izdavanje licence.

DERK je konstatirao da nisu dostavljani komentari javnosti u vezi podnijetog zahtjeva za dodjelu licence, niti je na javni poziv DERK-a bilo koje lice kandidiralo svoj interes da učestvuje u postupku u svojstvu umješaka.

DERK je izvršio provjeru podataka, dokumenata i informacija priloženih uz zahtjev i utvrdio da isti svjedoče o tehničkim, pravnim i finansijskim mogućnostima podnosioca zahtjeva da ispuni sve kriterije, uvjete i standarde propisane zakonom, pravilima i propisima DERK-a za dodjelu licence za obavljanje djelatnosti međunarodne trgovine električnom energijom.

Uvažavajući činjenicu da podnosilac zahtjeva nema kontinuitet posjedovanja licence, budući da je ranije izdata privremena licenca važila do 31. decembra 2023. godine, te da u roku određenom članom 48. Pravilnika o licencama – Prečišćeni tekst (“Službeni glasnik BiH”, broj 63/16) nije podnio zahtjev za obnovu licence, kao i činjenicu da je i licenca Regulatorne komisije za energetiku Republike Srpske izdata na period od dvije godine, DERK se, u skladu s članom 5. stav 4. navedenog Pravilnika, opredijelio za izdavanje privremene licence u trajanju od dvije godine.

Stoga je pripremljen Nacrt odluke o izdavanju privremene licence, koja se koristi u skladu sa Standardnim uvjetima za korištenje licence za obavljanje djelatnosti međunarodne trgovine električnom energijom. Ovaj dokument je od 3. maja 2024. godine učinjen dostupnim podnosiocu zahtjeva, kao i svim drugim zainteresiranim članovima javnosti, a omogućena im je prilika da iznesu svoje komentare i na općoj javnoj raspravi zakazanoj za 9. maj 2024. godine u sjedištu DERK-a u Tuzli, uz prethodnu objavu odgovarajuće obavijesti u dnevnim novinama i objavu dokumenta na internet stranici DERK-a.

Kako podnosilac zahtjeva ni u posljednjoj prilici, po podnesku DERK-a broj 05-28-12-139-15/24 od 13. maja 2024. godine, nije isticao neslaganje s bilo kojom odredbom Prijedloga odluke, bilo je osnovano zaključiti da se prijedlog DERK-a smatra sačinjenim u skladu sa Zakonom o prijenosu, regulatoru i operatoru sistema električne enegije u BiH i podzakonskim propisima koji reguliraju predmetnu materiju.

Na osnovu svega naprijed navedenog, te respektirajući i činjenicu da je podnosiocu zahtjeva izdata dozvola Regulatorne komisije za energetiku Republike Srpske za obavljanje djelatnosti snabdijevanja i trgovine električnom energijom u trajanju od dvije godine, DERK je odlučio kao u dispozitivu ove Odluke.

U skladu s članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove Odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema.

Broj: 05-28-12-139-18/24
22. maja 2024. godine
Tuzla

Predsjedavajući Komisije
Nikola Pejić